

毛

詩

原

解

毛詩原解

京山郝敬著 男千秋石校刻

讀詩

六經惟誦詩多明法。孔子曰：詩可以興，可以觀，可以羣，可以怨。邇之事父，遠之事君。誦詩三百，授之以政，不達，使于四方，不能專對，雖多亦奚以爲？故子貢論學，知詩子曰：賜也，始可與言詩。子夏論詩，知禮子曰：商也，始可與言詩。此孔子說詩之明法也。孟子亦曰：說詩者，不以文害辭，不以辭害志，以意逆志，是謂得之。故高子問小弁，小人之詩，孟子曰：固矣夫！高叟之

毛詩原解



一

讀詩

爲詩咸丘蒙問詩云。普天之下。莫非王土。率土之濱。莫非王臣。舜爲天子。瞽瞍非臣。如何。孟子曰。非此之謂也。如以辭而已。雲漢之詩曰。周餘黎民。靡有孑遺。是周無遺民也。此孟子說詩之明法也。學者通乎此意。而學詩無餘術矣。

三百篇所以高絕千古。惟其寄興悠遠。不讀古序。不達作者之志。與聖人刪定之旨。後人疑序與詩不似。不似處。正宜理會。詩所難言。正在此。自朱元晦不通古序。學者謬承師說。淺陋枯索。無復興致可風。詩序相傳。爲子夏與毛公合作。今按各序首一句。爲

各詩根柢下文皆申明首句之意故先儒謂首序作
自子夏餘皆毛公增補今觀首序簡當精約非目巧
可撰古人有詩卽有題或國史標注或掌故記識曾
經聖人刪正決非苟作而毛公發明微顯詳畧曲盡
爲千餘年詩家領袖至宋儒師心薄古一切詆爲妄
作祇據詩中文字斷以己意創爲新說今用之予未
敢信其然也

古人作詩先有題而後有詩未有詩成後以題強肖
者箴銘記贊之類題闕或可據辭標補至于詩義微
婉雖事有所本而常託興象外據辭撰題決無此理

朱子改序皆先有詩而後有題也

詩序首句函括精約法戒凜然須經聖裁乃克有此
其下毛公申說乍讀似濶畧尋思極得深求之味後
人不解詆爲淺陋千古寸心得失自知此言詩所以
難也或謂毛公有大小非出一手其父子兄弟轉相
發明故傳與序間有不合大抵箋不如傳傳不如序
毛公補序又不如序首一語讀詩惟當以首序爲宗
今于首句增古序曰三字下以毛公曰別之後附朱
說參以愚見不敢辭其妄也

序者遂也作者有未達之志序以遂之故古序卽是

詩人之志詩辭明顯則序不及但道詩所未言後人所不知者故序不可廢也朱子必責詩中語爲徵正與古序相反苟詩辭已直又焉用序爲如朱說依樣葫蘆都似重複語書序所以孟浪正坐此雖不用亦無傷也若詩無古序則似夜行烏可少乎

詩別有齊魯韓三家失傳矣然三家未見古序其學亦可知毛公根據古序與經傳合而能變通遊演曲暢作者之情千載獨行諒非偶爾朱子一切詆爲鑿空妄說今虛心檢閱自覺古是今非有識者何敢諛今而背古乎

古序全體春秋之義。于凡美刺各舉大綱而不盡之意。寄于言外。當時作詩詳委。具在國史。今不可考矣。毛公序說有所受之。亦猶左傳于春秋雖精旨未暢。而大畧可據。朱欲廢毛。已爲不可。直欲併古序廢之。予河漢而不信也。

讀詩本古序義理。周匝完備。雅頌各得其所。聖人刪詩。手澤如新。朱子謂序不可信。須併三百篇亦不信。始得如以三百篇爲古。而序爲非古。改從今說。則其錯亂不可勝道矣。國風尚有十五國爲別。至于雅皆朝廷獻替。頌爲宗廟登歌。如小雅沔水。改爲憂亂。非

規宣王。白駒改爲畱賢。非大夫刺王。黃鳥我行其野。
改爲民適異國。非刺宣王。谷風改爲朋友相怨。非刺
幽王。蓼莪改爲孝子。不得終養。四月改爲遭亂自傷。
非刺幽王。無將大車改爲行役。非大夫悔用小人車。
牽改爲新婚。非刺幽王。采芣改爲思夫。非刺怨曠隰。
桑改爲喜見君子。非刺幽王。綿蠻改爲微賤勞苦。非
刺亂。以上皆如朱說。則小雅與國風何以別乎。楚茨
信南山甫田大田皆非刺幽王。大雅生民非尊祖。旣
醉非太平。鳧鷖非守成。假樂非嘉成王。以上盡改從
朱說。則雅與頌又何以別乎。民勞板改爲同列相戒。

非刺厲王。抑改爲衛武公自作。非刺幽王。崧高烝民。韓奕皆改爲贈行。非美中舞。如此則與風又何別乎。周頌臣工。非諸侯助祭。噫嘻。非祈穀。皆改爲戒農官。訪落敬之。小毖皆改爲成王自作。如此則與雅又何別乎。魯頌四篇。駉但爲牧馬。有駉但爲燕飲。泮水但爲脩泮宮。閟宮但爲脩祖廟。如此則與風何別乎。若是則三經紛如亂絲。必尼父再生。重加刪正。乃可通也。

朱元晦詆小序。世代名氏皆爲妄語。凡序云美某人刺某事。必責詩中有某名某事。徵不然。卽斥爲鑿空。

若辭類他人他事。卽以他人他事代。惟以切直爲主。作詩如此。但可謂之記事文字。而其淺率甚矣。何稱爲主文譎諫乎。如二南文王詩也。未嘗一字及文王。關雎葛覃。大姒詩也。未嘗一字及大姒。若盡責名與事爲徵。則雖二南諸詩。亦鑿空矣。按辭徵事。以校他書考制度。則可言。詩則不可。

二南雅頌所載文武諸詩。皆作于王業旣成之後。故序以文事爲文王詩。武事爲武王詩。非謂其詩卽作于其時也。朱子據詩中有文武成康字。輒以生前稱謚爲疑。他凡詠其事者。謂卽作于其時。凡美刺代言。

者。謂卽其人自作。皆犯高叟之癖。

朱子詆前人師說爲鑿空。抑不知已之改作。又何所據。則猶之鑿空耳。第如朱說淺率。其鑿空易。如古序深遠。其鑿空難。今試使人暗索爲朱說者。十常八九。如古序者。百無一二。古人鑿空。何不就其明且易者。而爲其遠且難者乎。毛公距夫子刪詩所四百年。旣爲鑿空。朱子又後千五百年。蒼然自以爲某詩非某事實。因某事作。此何異李少君遇九十歲翁。紹云我識爾曾王父面孔。知者誑而不信也。

朱子改古序。祇據文辭。疑似懸斷。大抵淺俗。如叔于

田刺鄭莊公不教養其弟。辭似美叔段。遂改爲美叔
段。將仲子兮。刺莊公與祭仲謀殺弟。辭似婦人與男
子語。遂改爲淫奔。如序何其悠遠。如朱則委巷之曲
耳。詳見各篇。

朱元晦專以史傳質序。序自與史傳合。然序古而史
傳後出。以史傳徵序。是以黃小徵老人也。如曹風三
百赤芾。序謂刺共公是也。朱謂序附會左傳。晉文公
數曹乘軒三百之事。此左傳牽詩屬辭耳。豈真曹有
三百大夫之多乎。又如吳札觀魯樂。先孔子刪詩所
五十有九年。而傳所述皆因三百篇次第。今不謂左

傳附會詩而反謂序附會左傳豈不倒見意在排古
序求勝而已孔子曰信而好古好而不信則如無好
又曰多聞闕疑疑而改作無寧闕諸

朱子謂序無據而揣摩也夫君子善善長而惡惡短
就使無據寧揣摩古人之似入于善無寧揣摩不似
而入于惡入于善者成人美入于不善者成人惡故
曰過疑從輕況本無疑乎木瓜爲感齊桓公作何疑
也青青子衿爲學校不脩作又何疑也今不擬以報
德之辭學校之味而改從淫奔豈惟瀆亂聖經亦好
成古人之惡矣餘難枚舉附見各篇

不微不婉徑情直發不可爲詩。一覽而盡言外無餘不可爲詩。美謂之美刺謂之刺拘執繩墨不可爲詩。意盡乎此不通于彼膠柱則合觸類則滯不可爲詩。朱說皆犯此數病。

子貢論貧富與詩何干而以切磋琢磨解子夏論素絢與禮何干而以禮後解顧仲尼極加歎賞謂其始可與言詩此意二千年來無人會。但作穎悟上伎倆實是三百五篇証盟公案。蓋詩人託興深遠言語寬厚抑揚反覆不可爲典要理有切合而辭若矛盾語有疑似而志相背戾是故言詩難也。善解者通其志

而冥合。不達者執其似而反遠。子貢論學知詩。離而能合也。子夏論詩知禮。入而能出也。離而不殊。合而不泥。入而不執。出而不遠。兩端用中。乃可言詩。世儒于詩。以切磋解切磋。以素絢釋素絢。見關雎則以爲鳥。聞羔羊則以爲獸。讀狡童則以爲蕩子。目靜女則以爲淫婦。膠柱鼓瑟。無一可通。乃有如高叟以怨慕父母爲小人。如咸丘蒙以普天率土爲臣父。乃至執辭生疑。如朱元晦以古序爲牽強。率意師心爲易簡直訣。若是則易簡直訣。孰如高叟咸丘蒙而賜商二賢亦烏能免于牽強之誚也。故子貢子夏之後。善言

詩者莫如孟子。孟子之後。知其解者。莫如毛公。

或曰。孔子以思無邪一言蔽詩三百。何也。曰。此卽孟子所謂不以辭害志也。詩者。志也。詩多男女之辭。志不專爲男女發。聽其聲靡靡。而逆其志甚正。故端冕而聽鄭衛。皆雅樂也。苟佚欲念起。凡歌舞皆足以喪志。故樂記曰。樂者樂也。君子樂得其道。小人樂得其欲。以道制欲。則樂而不亂。以欲忘道。則惑而不樂。故君子反情以和志。反情和志者。思無邪之謂也。又曰。禮主其減。樂主其盈。禮減而進。樂盈而反。減而能進。盈而能反者。思無邪之謂也。故曰。興於詩。立於禮。成

於樂敬主乎中。而和爲終始也。世儒不達。謂詩多淫辭。必無邪思。乃可誦詩。夫使聖人刪詩。畱淫辭。禁學者邪思。是建曲表而責直影也。蓋凡聲音之道。和動爲本。過和則流。過動則蕩。苟弛而不張。雖關雎鵲巢。桃夭標梅。其無男女之思耶。而奚必淫奔之詩也。然則詩多男女之詠。何也。曰。夫婦人道之始也。故情欲莫甚于男女。廉恥莫大于中閨。禮義養于閨門者最深。而聲音發于男女者。易感。故凡詩託興男女者。和動之音。性情之始。非盡男女之事也。

讀他書。依憑文字。不中不達。讀詩守文字。不惟害辭。

且乖本旨。如君子偕老。倚嗟。本刺也。而其辭頌。楚茨本傷今也。而其辭道古。小戎。東山。美之。而無一語贊揚。氓。谷。風。刺之。而無一語譏貶。此類甚多。朱子于東山。改爲周公自作。于氓。谷。風。小戎。改爲婦人自作。又如周頌。噫嘻。據成王二字。改爲戒農官。執競。據成康二字。改爲祭成王。康王。按古序。以繹今旨。殊覺不然。○詩有詠古而意在傷時者。如七月。信南山。采芣之類。是也有言乙而意在刺甲者。如叔于田。椒聊之類。是也有託爲其人之言。寓意者。如卷耳。江有汜。采芣之類。是也有不明言其失。但叙其人之事。其失自見。

者如氓之類是也有篇首見意後皆託爲其人之言者如雲漢之類是也有通章託言全不露正意者如鴟鴞之類是也有露一二冷語可思者如碩人猗嗟之類是也有前數章全不露直至末章方明說者如載馳有頍者弁之類是也有首露一二語後全不露者如楚茨之類是也有辭初緩而漸迫者如旄丘四月之類是也有言輕而意實重者如凱風之類是也有首章辭意已盡後數章但變文疊韻者如樛木螽斯黃鳥無衣綿蠻之類是也有前敘事後託爲其人之言者如野有死麕大車小戎之類是也有首章見

意後數章皆託他人言者。如蕩之類是也。有前數章
反言至末始見正意者。如都人士隰桑之類是也。餘
可例推。雖或卽事直陳。而皆有悠揚委曲之趣。言外
不盡之旨。都未有徑情直發者。後世騷賦大仿風人
遺意。至近體興而古意盡廢。朱元晦以近體解三百
篇。宜其不達耳。

詩意深厚。正不貴明淺。或借古以諷今。或反言以明
正。或託其人口吻。以發意中事。或漫無可否。述事以
見意。體裁不一。要未有直發者。朱子謂詩本性情。辭
無雕綴。夫聲音之道。自與性情通。歌詠所以養性情。

歌雅者溫良歌頌者柔直故曰詩可以興此性情之說也非謂其人自作卽見其人之性情云爾也。人雖暴厲其爲詩亦必溫厚不溫厚則非詩故曰不以人廢言言不可以信人詩其可以信性情乎。以此論性情失其解矣。

朱元晦云讀書從眼前說出底便好從崎嶇說出底便不好此非至當之論言近指遠眼前固好牽強造作崎嶇固不好若以皮膚爲眼前以深末爲崎嶇所喪適多如讀詩與讀易欲一味眼前胡可得詩比與易象欲不崎嶇胡可得朱子解詩易所以兩失惟其

怕崎嶇。將六經許多義理。割與二氏。自守皮膚。譬如
用兵。奇正相生。宋襄公怕崎嶇。戰死于泓。成安君怕
崎嶇。爲虜于漢。鄧艾不崎嶇。則不能入蜀。李愬不崎
嶇。則不能平蔡。天下事非疎淺迂濶。可辦。聖人不爲
險。亦不失險。乾不爲險。自能知險。諸子百家。與六經
爭峙。儒者迂濶養成之。非六經道不廣也。

詩言寬裕含容。本詠一事。而悠游委蛇。可以旁通諸
經語。不可節取。惟詩斷章割句。甲乙皆合。正以其辭
不拘一隅也。是烏可與硜硜之士道乎。故自古稱言
詩難也。

凡詩之比鳥獸草木皆取諸目前至近貴使人易曉
必無異方奇怪之物如雉鳩之爲布穀也。鷓鴣之爲
鸛鵒也。皆愚夫所習見聞取以爲比。世儒不解妄事
猜度轉入奇僻傷詩人和平之旨。失託興曉喻之意
○賦比興非判然三體也。詩始于興。興者動也。故曰
動天地感鬼神莫近于詩。夫子亦曰。詩可以興。凡詩
未有離興者矣。興者詩之情。情動于中。發于言。爲賦
賦者事之辭。辭不欲顯。託于物爲比。比者意之象。故
夫鋪敘括綜曰賦。意象附合曰比。感動觸發曰興。非
但歡娛爲興。喜怒哀樂皆本于興。故詩者性情之道。

和人神協上下移風易俗莫非興也毛傳誤以關雎
葛覃之類爲興而朱子附會其說謂興者先言他物
以興起所詠之事比者以彼物比此物不思先言他
物與彼物比此物有何差別自知難通乃謂比有取
義興不取義而不知其所謂興者其實皆比也如關
雎本比而其所興之情與所賦之事已寓于雎鳩二
語中今但謂先言雎鳩興起所詠之事及下二句又
不明言所事而但贊淑女爲好逑然則淑女所以好
逑之故已寓于首二句中明矣安得謂首二句但爲
興起所詠而已也豈惟失比之體亦錯會興之義蓋

借物爲比。不言正意。而意已宛然。卽比也。如樛木首二句。比后妃逮下。衆妾上附之意。宛然。故下文不復及正意。但詠后妃福履而已。又如鴛鴦在梁首二句。比古明王愛養萬物。意宛然。故下文不復及正意。但頌君子萬年而已。風雨雞鳴。喻世亂君子不變意。宛然。下文更不及正意。但言已願見而已。餘可類推。今皆以爲興起所詠之事。而所詠事終不及焉。卽其所謂興者。義亦不成矣。朱子又以賦比興分配各篇。愚按三義原非離析。如黍離清廟絲衣閟宮之類。本直賦其事。而託黍稷衣服宮室。亦卽是比。臣子忠孝誠

敬之情卽是興。又如鴟鴞全篇借鳥言是比。陳說武庚事卽是賦。感動成王卽是興。若裁爲三體豈成義理。且如後世上林子虛之辭直名爲賦豈得謂其中遂無比興耶。

比者。寓託之義。非獨兩物切譬爲比也。但不直斥此事而託言于彼皆是比。如關雎。鵲巢。鳳凰。麟趾。黃鳥。鴟鴞。狼跋。鹿鳴。桃李。唐棣。黍稷。葛藟之類。此其親切譬喻者也。其他或文字音響。物象情景。假借附合。如采葛以喻讒言。蔓引采蕭以喻其薰灼。采芡以喻其爍膚。此類比之取義者也。如載馳之阿丘。采芣苢。一

名貝母。借作背母。思歸之喻。中谷有蓷。蓷一名充蔚。一名益母。借作豐年得養其妻之喻。此類比之爲隱語者也。如殷其雷之殷。借作殷商。以雷喻商紂之威虐也。采唐刺淫。唐之言蕩也。兔爰閔周。兔之言毒也。雉之言癡也。終南之條。言理也。梅言謀也。他如棣之言弟也。桑之言喪也。棘之言急也。栩之言虎也。如新臺有泚。借作穎泚之泚。君子偕老之玼兮。亦借作泚。言可愧也。嗟兮之嗟。借作巧笑之嗟。言可笑也。此類比之切響者也。如清人在彭。在消。在軸。未必河上實有是地。桑中。孟庸。孟弋。未必上宮實有是女。彭蠡也。

消散也。輻旋也。皆遊嬉之喻。庸言賤也。弋言引也。皆
誨淫之喻。此類比之會意者也。至如周頌之絲衣。因
緣于祭蠶。小雅之鴛鴦。取義于交物。此類無序。幾不
可解。故凡託物皆比。而朱子于此類一切以爲發端
之語。無所取義。其疏莽可勝言哉。

詩之有比。猶易之有象。易義難言。以象像之。詩志難
言。以比譬之。漢魏諸家言易象。過于穿鑿。及言詩比
全沒理會。朱元晦所以誤比爲興。其疎謬從來遠矣。
○言詩殊闊氣質。元晦性地質直。氣鮮圓通。故言詩
殊非所長。詩多託興。必認以爲真。詩多婉言。必改使

從直詩多深遠。必牽使就淺。所以三百古序。無一能解頤者。

朱元晦于國風諸篇。語稍涉情致。卽改爲淫奔。遂使聖人經世之典。雜以諧謔。初學血氣未定。披卷生邪思。環席聽講。則掩口而笑。至使蒙師輟講。父兄不以授其子弟。甚違聖人雅言之意。其關係豈淺淺哉。

男女生人。至情恆人心緒牢騷。則託詠男女而爲女子語。常多蓋男子陽剛躁擾。女子陰柔幽靜性情之秘。鍾于女子最深。而辭切婦女最悠柔可風。故聖人錄其辭。被諸管弦。協之音律。以平其躁。釋其慾。宣其

壅塞其淫。因人情而利導之也。後之爲詩者。不達此旨。一逞爲淫哇之曲。去本遂遠。而說詩者。併詆聖人。刪正之辭。爲淫詩。亦豈知性情之道者乎。

或曰。夫子刪詩。既不錄淫詩。而曰鄭聲淫何也。夫聲與詩異。鄭聲淫。非鄭詩盡淫也。虞書曰。詩言志。歌永言。聲依永。音律爲聲。篇章爲詩。聲生于響。詩成于志。故古序曰。在心爲志。發言爲詩。此聲與詩之辨也。今據古序以繹志。鄭衛之詩。其何者爲淫詩。與。雖桑中。溱洧。志在刺淫。而詩本非淫也。豈得以辭而累志。苟不逆其志。惟辭之似。雖二南之行露死麕。其誰不可。

爲淫詩者與鄭之將仲子刺莊公。狡童褰裳刺昭公。其志皆正。其聲靡靡皆似婦人語。蓋土風化氣習氣化響。豈惟鄭衛宋音燕女溺志。齊音傲僻驕志。以至五行莫不有淫氣。八方莫不有淫聲。而惟鄭衛爲甚。故凡靡麗之聲稱鄭衛。猶今人云楚歌趙舞云爾。豈獨楚有歌而趙有舞與。若謂鄭音卽鄭詩。衛音卽衛詩。齊音卽齊詩。十五國未有宋詩也。則所謂燕女溺志者。是何詩與。以鄭衛之聲獨罪二國。非也。又以聲罪詩。豈不誤乎。樂記子貢問于師乙曰。賜聞聲歌各有宜。敢問賜宜何歌。所謂歌卽詩也。歌有辭而聲惟

響故師乙舉雅頌言詩。舉商齊五帝三王之遺言聲。謂以商齊之聲。歌風雅頌之詩。猶今人以南北腔唱樂府辭。此聲與詩之徵也。鄭康成解禮不達。因記有錯簡疑。商齊與風雅頌并列爲歌。則是以齊爲齊風。商爲商頌矣。據本文云。商爲五帝之聲。商人傳之。齊爲三代之聲。齊人識之。與雅頌何涉。混聲歌爲一類。世儒遂指二風爲淫詩。所由誤矣。夫聲淫而詩亦淫者。二國宜有之。然旣經刪正。焉得復在三百十一篇之內。不然。夫子所刪者。獨何等詩乎。詩三百。聖人所以鑒往懲來。未有事無所指者。若事

毛詩乃角
無所指何以分十五國與大小雅之正變古序犁然如指掌而朱元晦一切詆爲附會依辭泛解全失刪定之意

六經所爲重以道非以辭也世多良史而春秋爲宗非春秋能富于史漢也世多騷雅而三百篇爲宗非三百篇能攻于屈宋也則其所重可知已是非不足以訓美刺不足以風三百篇猶之夫詩耳如古序言詩靈龜寶鑑萬世常新如朱子言詩不必美刺則揚葩挾藻嘲風弄月而已聖人奚取焉

詩皆古賢達聞人感事託興勸善遏惡而作苟不關

法戒則聖人不錄。三百篇皆治亂興衰之蹟。不獨爲歌舞之節而已。朱子拘于論語正樂雅頌得所之說。專以樂歌論詩。徧改古序。然則詩之爲經。只如後世樂府能唱之用焉。能爲有。

詩三百皆可弦歌。如關雎騶虞鹿鳴四牡皇皇者華。皆先王盛世徽音。義正辭雅。故借作樂歌。通諸朝廷邦國射鄉食饗皆用之者。爲詩不足也。若詩本爲樂作。卽宜各自爲章。何至互相借用。詩本不爲樂作。而言詩者定以爲樂章。拘矣。

古人文章深厚。但據事鋪陳。是非美惡。在不言之表。

三百篇多用此體。二雅獻納時有明諍顯諫。雖頌告宗廟。如訪落敬之。小苾諸篇。亦是代口鋪揚。夫子作春秋。全用此體。故自謂無毀譽。後世以鋪敘爲記事。外加譏讚。自是三代以後。淺薄文字。

詩自文武成王。下至幽厲。十五國諸侯之事。正變俱載。美刺并存。以爲萬世法戒。不徒葩藻而已。王迹熄。霸圖張。東遷以後。朝廷無制作。國史無紀錄。善惡不彰。臧否混淆。五霸之事。無詩可觀。夫子乃作春秋。故孟子謂詩亡。然後春秋作。千古知詩無如孟氏。宋元晦謂古序所記。世代興衰。時政美刺。一切皆妄。然則

詩豈無關世教者與

天下古今治亂與理之是非。事之得失。一定不可易。然執理據事。言出興戎。何也。氣悍而辭倨。則無言不讐。惟詩之爲言也。委蛇從容。主文而譎諫。言者無罪。而聽者足以興。是以士君子立言取法焉。夫子教伯魚曰。不學詩。無以言。其作春秋。皆本風人美刺之意。其刪詩也。明好惡。辨邪正。稽理亂。與春秋相終始。幽厲以前。美刺在詩。平王以後。是非在春秋。春秋記諸侯之亂。詩紀諸侯治亂之跡。春秋記天下無王。詩紀文武幽厲爲王之事。春秋記禮樂僭亂。詩考正朝廷。

宗廟禮樂。凡詩之所存者。皆史之所遺。如節彼南山。則知幽王用尹氏。十月之交。則知其任皇父。鼓鐘淮水。則知其有東遊。楚茨。大田。則知田野荒年。穀饑。裳裳者華。則知絕功臣之祿。桑扈。則知君臣飲酒喪儀。得失班班。可考。言雖怨而無訕謗不平之氣。與春秋無毀譽。正同。詩微而顯。春秋顯而微。詩善言而春秋言善也。世儒不達。謂詩不皆美刺。試古序爲鑒空。豈不誤哉。

近代說詩。主朱而絀毛。其說春秋主胡而絀左公穀。謂左公穀附會。不謂胡之附會尤甚。謂毛爲鑒空。不

謂朱之鑿亮愈遠蓋春秋易簡而胡轉求之深詩深而朱反求之淺二家之癖正相左耳愚謂移其深者曲以繹詩而易其淺者平以觀春秋則兩得之矣苟春秋不盡翦其繁無則鬱蔽而不明詩不深求其本初則粘索而無味故說春秋宜更新而說詩宜復古愚所以直解春秋而原解詩也

胡康侯之言春秋也繫宋元晦之言詩也固康侯不執褒貶之例不識聖人之是非元晦不據譏讚之辭不信詩人之美刺夫春秋以無是非爲是非所以妙于法詩以無美刺爲美刺所以妙于情

風雅頌皆周人一代詩耳。虞夏以來非無詩而當世
大師掌記惟昭代制作。緣周家祖孫父子兄弟多聖
哲。其子弟師父兄自有餘。故周道尚親。續緒承先而
夏商之禮廢而不傳。其所適逢然也。夫子每歎二代
無徵刪詩之末。繫以商頌亦覺周道之未廣矣。

二南諸詩古序皆不指文王太姒。但言后妃與諸侯
夫人。大夫。妻。可知作者之志。託興以風。非獨爲紀太
姒事蹟而作是詩也。先儒謂王者之詩謂之周南。諸
侯之詩謂之召南。得之矣。事不必問有無。但領畧其
情境意象。自然可風。如卷耳草蟲之類。事愈近而義

愈遠莽苴之類。辭愈淡而境愈真。其棠標梅之類。情愈迫而言愈緩。如鏡中看花。水中觀月。谷中傳響。可冥合不可迹尋。凡詩皆然。風爲甚。風皆然。二南爲甚。通于二南。詩思過半矣。朱元晦解詩。逐篇責問某人爲某事。全失之矣。

二南可爲而不可讀也。讀則誦其辭而辭不可執。讀則論其世而世不可考。讀則質其事而事難定。拘故夫子教伯魚曰。汝爲周南召南爲也者。得其意。體諸身心之間而已也。

詩有正變。以稽治亂也。正風雅未嘗無變。變風雅未

言月角
嘗無正。寧獨風雅有正變。頌亦有之。鄭之緇衣。衛之淇奥。容非正乎。周南之于幽。其地同。其世未遠。君明臣良。而有幽。容非二南之變乎。頌之有魯也。非頌之變乎。故詩不可執一觀也。

二南以下多變風。何也。五方風氣有偏沴。習尚有漸。染惟聖人爲能轉移。故風多變而有正者。文王之化也。雅宜正而有變者。幽厲之失也。頌無不正而有變者。叔季之僭也。故三百篇皆明憲大戒。與春秋相終始也。

三百篇次第間有參差。如載馳衛懿公詩。乃在文公

後清人鄭文公詩。乃在忽突前。葛藟平王詩。乃在桓
王後。皇皇者華。遣使臣詩。乃在四牡勞使臣後。周頌
酌賚桓般。武王詩。乃在成王訪落敬之小毖後。然風
雅頌各得所無傷也。若一一檢校。曲生異說。失之愈
遠。

十五國次第。自秦以前。實諸舊聞。參以管見。不中不
遠。或謂聖人未必有深意。如二南首風。王次衛下。豳
居篇末。曾不附列國。豈得謂無意。

國風止十五國何也。周衰詩亡。掌故所存。刪定所留。
止此。而以槩方內諸國。皆可知已。國大而無風者。唯

魯宋楚曾禮樂僭王故削其風而存其頌宋禮樂仍
先伐故存其頌而闕其風楚自春秋幅隕半天下不
可定以爲一國而二南屬文王故南國無楚風矣三
五以降東南有王氣詩亡而騷作者楚材也三戶存
而真人出者楚產也聖人前知如神刪詩與脩春秋
之意同也

三詩始風中雅終頌何也凡詩皆風也尹吉甫作雅
曰其風肆好頌亦可知矣故風首六義風敝成俗化
俗成雅雅者正也以維風也雅化則從容和平動天
地感鬼神而詩斯至矣故終之以頌也

六義首風何也。風者動也。動萬物者莫疾乎風。先王所以化民成俗也。風之爲物。有聲無形。可披拂而不可把握。其入人微婉。故聖人巽以行權。風也。學者通乎風。卽雅頌易入矣。雅頌可爲典要。而風周游六虛者也。

詩自有不須題者。如後世十九首之類。比物託興。婉轉不定。而以題擬之。亦莫不肖。亦有有題而詩不似題者。如屈平之楚辭。唐人之感遇雜興。引喻泛濫。不可指據。或泥文生解。而實不必解。故說詩非必執題。賦比與興合。文辭與志合。卽妙達風人之旨矣。

或謂予解詩大畧而予惟原夫作者之志耳詩志也
志明則辭易曉子云興于詩詩有興猶易有象象在
辭外興亦在辭外興者情之動如哭死者而數其事
可哀不在事而在哭泣之情詩可以興亦猶此也後
儒以託物爲興苟不託物其無興乎禮云溫柔敦厚
詩之教也其失也愚高叟成丘蒙執辭遺興所以愚
也古人引詩不必本事不必泥辭貴興而已不得其
興辭雖詳與性情無涉故無興不可爲詩得志斯得
興矣孟子曰以意逆志是謂得之古之詩皆志也後
世之詩皆辭也詩所以爲絕學矣

或問三百篇與今詩同異曰三百篇雅也今詩鄭也
溫柔敦厚爲雅。情蕩凌厲爲鄭。天全自得爲雅。粧綴
俳比爲鄭。五音合和爲雅。四聲切響爲鄭。古言四五
爲雅。近體六七言以至縱橫馳騁如唐人歌行豪宕
不羈皆鄭之屬也。雅平也。鄭重也。鄭者畿內之國五
方人萃而語咻。沓雜而成。鄭聲非獨土風也。凡聲音
壯麗凄苦。搖拽叫喚。迭宕不平皆謂鄭。自漢以來風
雅久湮。漢始作俑。武帝好文。一時辭賦諸臣如司馬
相如輩好奇弔詭。而李延年爲協律都尉。其郊廟樂
歌創爲新聲。用三言繁促。沓渺類方士符呪語。無復

平雅之致如鼓吹鏡歌多教坊俚語方言雜演成曲
正乃所謂鄭聲淫而好事者詫爲新奇附和謂爲古
樂府體風雅之義于茲斬然矣迨乎六朝以後郊廟
之歌頗有佳篇足追風雅者而反自遜以漢爲不可
及千古耳食智愚同病其若之何蓋天地之數成于
五而漢樂三言轉覺急促彈歌二言後人僞作魏以
後用五言無復可加矣經用四言所謂樂盈而反貴
雅而賤鄭也至于五音天成後人截爲四韻以求切
響亦惟鄭聲爲然耳

詩本性情溫柔敦厚聖人教人以言而和順于道德

之自然也三百十一篇皆經夫子刪正協之管絃是
謂雅樂逮乎騷興雅變而忠貞發于天性今樂猶古
也漢擬爲辭賦競趨奇瑰雅意寢微下訖魏晉五七
言步驟古而多風韻六朝加婉麗論者詆爲卑弱故
唐人興專主氣格近體作而古意荒矣夫性情之道
罔象則得謀野則獲如澤中之雉不斬畜之樊中詩
與騷皆非有所規倣而作也自唐人以詩招士士以
詩射擬以題目律以對偶限以聲韻局局躊躇然性
情之旨離矣其放也叫號譁數否則悽楚悲怨雄心
傲氣馳逞飛揚悉由近體生故詩盛于唐而廢于唐

可與知者道耳。宋元小辭柔情艷麗靡曼斯極。至于
今家稱作者。蹈襲雷同而皆以任放爲大雅。浮淫爲
才情。同聲者許爲我輩。木訥者詆爲俗人。侮世釣名
相詆以利士風大敗。而世道隨之。雖有周公之才之
美使驕且吝亦不足觀。而況雕蟲瑣瑣者與。故古之
明道在學詩。今之學詩貴聞道也。

詩者聲音之道。八方不同語。聖人作爲文字以同天
下之聲。字有定形而聲多旁溢。拘文字難齊聲音。文
字有限而聲音轉注微茫。無字可用。或數音互換一
字。或數字合切一音。學究之家分別甚細而方音人

謂口齒喉舌輕重疾徐終于難齊要在識聲音之志
與文字之理而已明其理文字可隨意變通逆其志
聲音可罔象求也古人諧聲用字自我作古非如字
書之拘拘然也讀詩不逆志不通理執點畫形象以
求字執四聲平仄以齊聲夫點畫形象既不能盡考
古人之文而四聲平仄未必盡合古人之韻諧聲應
律存乎知音通方難爲典要也如參差荇菜左右芼
之窈窕淑女鐘鼓樂之芼讀莫樂讀洛叶又芼讀冒
樂讀鬧叶亦可挑之天天灼灼其華華讀花與家叶
又華讀敷家讀姑叶亦可母也天只不諒人只天讀

汀與入叶。又人讀然與天叶。亦可終風且霾。惠然肯來。莫往莫來。悠悠我思。糴讀離來。讀釐思。讀西又糴。讀埋思。讀鯁與來叶。亦可擊鼓其鏜。踴躍用兵。土國城漕。我獨南行。鏜讀湯兵。讀邦行。讀杭。又鏜讀撐兵。行各如字。叶亦可。無田甫田。維莠稂稂。無思遠人。勞心怛怛。怛讀迭與桀叶。又桀讀甲與怛叶。亦可。民亦勞止。第四章。偁讀器。泄讀異。敗讀備。大讀第。又惕讀歇。泄讀洩。厲讀拉。敗讀北。大讀德。亦可。淑問如臯陶。在泮獻囚。陶讀由。叶囚。又讀異。叶陶。亦可。餘可類惟古詩韻。叶但彷彿。不必切合。如思樂泮水。言采其藻。

一章四聲兼叶。藻上聲。躋入聲。昭平聲。笑教皆去聲。
谷風第五章。不我能慙。德鞠育毒。皆入聲。售覆皆去
聲。鴛平聲。氓第五章。勞朝平聲。暴笑憊皆去聲。猗嗟
末章。變平聲。玆選反。皆上聲。貫亂皆去聲。鵲首章
前三句入聲。後二句平聲之類。至于川韻之法。四句
二韻。隔句叶者爲多。如嘒彼小星。三五在東。蕭蕭宵
征。夙夜在公。星與征叶。東與公叶之類。有一章五句
首尾四句隔叶。中一句不叶。如卷阿首章之類。有一
章六句二韻。隔叶。如瞻彼中林之類。一章八句二韻
隔叶。如桑柔第三章。國步蔑資之類。有全篇皆四句

二韻隔叶如周頌雖之類首尾叶中二句自相叶如
決拾旣飲弓矢旣調射夫旣同助我舉柴悉柴與飲
叶調與同叶有首尾叶中間三句自相叶如生民末
章于豆于登之類有一章八句六韻第一句與第三
句叶第二句與第六句叶第四句與八句叶如人有
土田其女反有之入有民人與田女覆奪之此宜無
罪女反收音守與之彼宜有罪女覆說音脫與之有
一章六句第二句與五句叶第三句四句與六句叶
如葛覃首章之類有全篇首二句分二韻前半篇叶
第一句後半篇叶第二句如周頌有瞽設業設虞以

下六句叶馨、皇、皇、厥聲以下五句叶庭，有句讀不叶，但中間數字頓挫相叶，如生民第三章：誕寘之隘巷，牛羊肥字之，誕寘之平林，會伐平林，誕寘之寒水，鳥覆翼之，但取寘之字之平林、寒水數字相叶耳。有兩字連叶，如遵彼汝墳，伐其條枚，未見君子，惄如調饑，魚網之設，鴻則離之，燕婉之求，得此戚施，皎皎白駒，賁然來思，條枚調饑，離之戚施，白駒來思，皆二字連叶也。至于文字聲音，假借尤多，除一字四聲相通者不論，其餘以旁音借讀，如采讀取，友讀以，左右采之，琴瑟友之，之類，服讀北，寤寐思服，輾轉反側之

類夜讀遇豈不夙夜畏行多露之類老讀魯與子偕
老執子之手之類下讀虎宗室牖下有齊季女之類
南讀林凱風自南吹彼棘心之類驅讀丘載馳載驅
歸唁衛侯之類哉讀費已焉哉天實爲之之類母讀
米畏我父母無折我樹杞之類兄讀香畏我諸兄無
折我樹桑之類馬讀毋巷無服馬洵美且武之類英
讀央尚之以瓊英充耳以黃之類夕讀削齊子發夕
簞弗朱韞各之類華讀敷顏如舜華有女同車之類
雙讀松冠綏雙止曷又庸止之類千讀千出宿于千
飲餞于言之類逝讀晒歲聿其逝日月其邁之類惜

讀去日月其惜職思其憂之類繡讀宵素衣朱繡白石皓皓之類者讀渚見此槩者綢繆束楚之類好讀厚維予之好羔裘豹褭之類風讀分鴻彼晨風鬱彼北林之類野讀汝七月在野八月在戶之類稼讀故十月納禾稼九月築場圃之類冲讀稱鑿冰冲冲納于凌陰之類嘉讀戈其新孔嘉其舊如之何之類斯讀叢恩斯勤斯鬻予之閔斯之類家讀姑曰予未有室家予所蓄租之類年讀林于今三年烝在栗薪之類儀讀俄樂且有儀在彼中阿之類殆讀底式夷式已勿小人殆之類翺讀彬緝緝翺翺謀欲譖人之類

丘讀歌。猗于畝。丘作爲此詩之類。艱讀勤。其心孔艱。
不入我門之類。怨讀月。忘我大德。思我小怨之類。東
讀當。空讀匡。小東大東。朽袖其空。可以履霜。行彼周
行之類。賢讀形。我從事獨賢。大夫不均之類。釋讀杵。
勿害我田穉。秉畀炎火之類。殄讀帖。瑕讀紕。肆戎疾
不殄。烈假不瑕之類。疚讀其。來讀離。愛心孔疚。我行
不來之類。偕讀已。近讀豈。邇讀以。卜筮偕止。曾言近
止。征夫邇止之類。男讀林。大姒嗣徽音。則百斯男之
類。國讀亦。聊以行國士也。罔極之類。牧讀力。于彼牧
矣。維其棘矣之類。急讀體。勿伴大急。不醉及恥之類。

又讀怡室人入又以奏爾時之類此類甚夥皆臨文變通隨聲轉注不爲典要自沈韻出近體興而古意斬然今之字書大抵拘泥沈韻牽強附會未可全憑篇內音釋聊舉其似不求盡合讀者變而通之可也○人皆以義求音不知以音會義音發無心聲出義存如一爲音由意生也不費唇齒氣出成響手應心畫是爲數始轉聲卽二散則成三施則成四合則成五文字隨聲音義理妙合故三四五爲鉞曲天然節奏由此推之凡聲音皆含義理非離聲音別生義理也先儒謂華人詳于義梵人詳于音離音求義未爲

知音知音之義者始可與識字可與言詩矣

詩有一字爲句者生民首章之歆是也有二字爲句者小雅魚麗之鱸鮓鯉魴鯉周頌維清之肇禋是也有三字爲句者標有梅江有沱之類是也有五字爲句者誰謂女無家之類是也有六字爲句者政事一埤益我之類是也有七字爲句者父曰嗟予子行役之類是也有八字爲句者我不敢傲我友自逸是也有九字爲句者二后受之成王不敢康是也而皆以四言爲準所以爲雅樂

毛詩目錄

第一卷

周南 十一篇

關雎

葛覃

卷耳

樛木

蟋蟀

桃夭

兔置

采芣苢

漢廣

汝墳

麟之趾

第二卷

召南 十四篇

鵲巢

采芣苢

草蟲

采蘋

甘棠

行露

羔羊

殷其雷

標有梅

小星

江有汜

野有死麕

何彼穠矣

騶虞

第三卷

邶國風

十九篇

柏舟

綠衣

燕燕

日月

終風

擊鼓

凱風

雄雉

匏有苦葉

第四卷

谷風

式微

旄丘

簡兮

泉水

北門

北風

靜女

新臺

二子乘舟

第五卷

邶國風 十篇

柏舟

牆有茨

君子偕老

桑中

鶉之奔奔

定之方中

蝃蜎

相鼠

干旄

載馳

第六卷

衛國風 十篇

淇澳

考槃

碩人

氓

竹竿

芄蘭

河廣

伯兮

有狐

木瓜

第七卷

王國風 十篇

黍離

君子行役

君子揚揚

揚之水

中谷有推

兔爰

葛藟

采葛

大車

丘中有麻

第八卷

鄭國風 二十一篇

緇衣

叔于田

大叔于田

將仲子

清人

羔裘

遵大路

女曰雞鳴

有女同車

山有扶蘇

澤兮

狡童

褰裳

丰

東門之墠

風雨

子衿

揚之水

出其東門

野有蔓草

溱洧

第九卷

齊國風

十一篇

雞鳴

還

著

東方之日

東方未明

南山

甫田

盧令

敝笱

載驅

猗嗟

第十卷

魏國風

七篇

葛屨

汾沮洳

園有桃

陟岵

十畝之間

伐檀

碩鼠

第十一卷

唐國風十二篇

蟋蟀

山有樞

揚之水

椒聊

綢繆

杖杜

羔裘

鵲羽

無衣

有杕之杜

葛生

采芩

第十二卷

秦國風十篇

車鄰

駟驥

小戎

蒹葭

終南

黃鳥

晨風

無衣

渭陽

權輿

第十三卷

陳國風 十篇

宛丘

東門之枌

衡門

東門之池

東門之楊

墓門

防有鵲巢

月出

株林

澤陂

第十四卷

檜國風 四篇

羔裘

素冠

隰有萋楚

匪風

第十五卷

曹國風 四篇

蜉蝣

候人

鵙鵙

下泉

第十六卷

豳國風 七篇

七月

鴟鴞

東山

破斧

伐柯

九罭

狼跋

第十七卷

小雅 八十篇

鹿鳴

四牡

皇皇者華

常棣

伐木

天保

采芣

出車

杕杜

魚麗

南陔

白華

華黍

第十八卷

南有嘉魚

南山有臺

由庚

崇丘

由儀

蓼蕭

湛露

彤弓

菁菁者莪

六月

采芑

車攻

吉日

第十九卷

鴻鴈

庭燎

沔水

鶴鳴

祈父

白駒

黃鳥

我行其野

斯干

言月解
無羊

第二十卷

節南山

正月

十月之交

雨無正

第二十一卷

小旻

小宛

小弁

巧言

何人斯

巷伯

第二十二卷

谷風

蓼莪

大東

四月

北山

無將大車

小明

鼓鐘

楚茨

信南山

第二十三卷

甫田

大田

瞻彼洛矣

裳裳者華

桑扈

鴛鴦

頍弁

車牽

青蠅

賓之初筵

第二十四卷

魚藻

采芣

角弓

苑柳

都人士

采芣

黍苗

隰桑

白華

縣蠻

瓠葉

漸漸之石

苕之華

何草不黃

第二十五卷

大雅 三十一篇

文王

大明

絲

棫樸

旱麓

第二十六卷

思齊

皇矣

靈臺

下武

文王有聲

第二十七卷

生民

行葦

既醉

鳧鷖

假樂

第二十八卷

公劉

洞酌

卷阿

民勞

板

第二十九卷

蕩

抑

桑柔

雲漢

第三十卷

崧高

烝民

韓奕

第三十一卷

江漢

常武

瞻卬

召旻

第三十二卷

周頌 三十一篇

清廟

維天之命

維清

烈文

天作

昊天有成命

我將

時邁

執競

思文

第三十三卷

臣工

噫嘻

振鷺

豐年

有瞽

潛

雝

載見

有客

武

第三十四卷

閔予小子

訪落

敬之

小毖

載芟

良耜

緣衣

酌

桓

賚

般

第三十五卷

魯頌 四篇

駟

有駜

泮水

閟宮

第三十六卷

商頌 五篇

那

烈祖

玄鳥

長發

殷武

右詩三百十一篇內逸六篇

毛詩原解卷一

郝敬習

國風

風者有聲無形而能動物故以名詩國風周列國詩古之王者采詩以觀民風故家國之詩謂之風風之爲體飄姚和動雅之爲體詳允端慤頌之爲體湛靜莊嚴若夫關雎麟趾之類則風雅頌之義備雅頌未有無風而能動者故六義首風然僅十五國何也周衰詩亡刪訂止此以十五國槩方內風俗大畧可觀矣

周南

周岐豐也。岐在今陝西鳳翔府岐山縣。豐在西安府鄠縣。周家王業始造之地。故以首風。文王以聖德治岐。豐而化行。梁荆。梁荆在岐豐東南。故曰南。不言北者。紂都在北。文王三分有二。正東南之間也。言周召者。文王之世。周公治內。召公治外。畿內曰周。畿外曰召。言南者。指政教所及。皆周有天下後。追誦其事。令世世師文王也。然古序不言文王。言后妃何也。化始宮幃。后妃皆文王也。如言四時百物皆天也。朱子執此短序誤矣。

關關雎

雞

鳩在河之洲

窈窕

淑女

君子好逑

求

○參

利聲

差

聲

荇

菜

左右流之窈窕淑女寤寐

求

求

求之求之不得寤寐思服

悠哉悠哉

輾轉反側○

求

參差荇菜左右采

上聲

之

窈窕淑女

琴瑟友

以

之參差

求

荇菜左右芣

之

窈窕淑女

鐘鼓樂

之

古序曰

關雎后妃之德也

毛公曰

風之始也所以風

天下而正夫婦也故用之鄉人焉用之邦國焉風風

也教也風以動之教以化之詩者志之所之也在心

爲志發言爲詩情動於中而形於言言之不足故嗟

歎之嗟歎之不足故永歌之永歌之不足不知手之

舞之舞之不足故永歌之永歌之不足不知手之

二

三

四

五

六

七

八

九

十

十一

舞之足之蹈之也。情發於聲，聲成文，謂之音。治世之音安以樂，其政和；亂世之音怨以怒，其政乖；亡國之音哀以思，其民困。故正得失，動天地，感鬼神，莫近於詩。先王以是經夫婦，成孝敬，厚人倫，美教化，移風俗。故詩有六義焉：一曰風，二曰賦，三曰比，四曰興，五曰雅，六曰頌。上以風化下，下以風刺上，主文而譎諫，言之者無罪，聞之者足以戒，故曰風。至於王道衰，禮義廢，政教失，國異政，家殊俗，而變風變雅作矣。國史明乎得失之迹，傷人倫之廢，哀刑政之苛，吟詠情性，以風其上，達於事變而懷其舊俗者也。故變風發乎

情止乎禮義發乎情民之性也止乎禮義先王之澤也是以一國之事繫一人之本謂之風言天下之事形四方之風謂之雅雅者正也言王政之所由廢興也政有大小故有小雅焉有大雅焉頌者美盛德之形容以其成功告於神明者也是謂四始詩之至也然則關雎麟趾之化王者之風故繫之周公南言化自北而南也鵲巢騶虞之德諸侯之風也先王之所以教故繫之召公周南召南正始之道王化之基是以關雎樂得淑女以配君子憂在進賢不淫其色哀窈窕思賢才而無傷善之心焉是關雎之義也○愚

按鄭玄以詩三百本事爲小序。謂子夏與毛公合作。蓋首句本古序。不詳作者姓氏。相傳子夏受詩。遂疑爲子夏作。是未可知也。下爲毛公申說古序。則是矣。又謂自風風也以下。至關雎之義。爲大序。亦子夏作。非也。毛公序說多游演旁通。而關雎首三百。故於此總論全經大旨。末仍歸關雎。本屬一篇。而朱子割取詩者志之所之以下。至詩之至也。別爲大序。今依古本合之。皆毛公作。各篇古序。惟首一句耳。此篇云后妃之德何也。女德無極。不妒爲本。妒生于淫。淫妒則衆惡皆歸。關雎好逑。言其不妒也。荇菜思服。言其內

官備職。淑女同心。共承宗廟。仁孝和敬之至也。禮王者一娶十二女。六宮之屬。百有二十人。祭統曰。官備則具備。蠶繅衣服。酒醴粢盛薦豆和羹之事。皆后妃主之。而內官左右相之也。恆情女入宮。見妒。惟賢妃能寤寐求賢。恐宗廟乏人。中饋闕事。君寵偏臞。而胤嗣不廣。所謂憂在進賢。不淫其色。哀窈窕。思賢才。而無傷善之心者。此也。故曰。后妃之德。然周南爲文王之詩。而文王之妃。則大妣也。古序不言大妣。言后妃何也。曰。二南之作。凡爲天子諸侯大夫士庶人。脩身齊家之法。以文王風之。非專爲美文王大妣作也。其

曰后妃之德者言凡爲王后妃者當如是也故鵲巢
亦曰夫人之德言凡爲君夫人者當如是也大抵二
南皆作于王業成後揚祖德訓後嗣而朱子謂此篇
爲王季宮人喜文王得大妣非也果爾宮人好德與
后妃何預三百篇好德之詩不少樂不淫哀不傷何
獨一關雎也關雎化行文王三分有二矣不應大妣
初嫁來便有關雎也其詠雎鳩何也六義所謂比也
雎鳩鳥名卽今布穀然似鷹月令仲春鷹化為鳩季
秋鳩化為鷹夏小正云二月化鳩五月化鷹司馬冠
云鷦之爲鷽鷽之爲布穀布穀久復化爲鷽其目雎

然故名睢鳩。其鳴勸耕。故名布穀。布穀鳴。農務興。天子耕籍。以供粢盛。王后蠶繅。以爲衣服。禮仲春。王后率內外命婦。始蠶于北郊。率六宮之人。生穰陸之種。獻于王。以勸王籍。凡宗廟祭祀。男女昏姻。皆于仲春。故以睢鳩比。然鳥類多矣。獨取睢鳩。何也。鳩之言聚也。鳥惟鳩多族。而睢鳩乘陽氣變化。與他鳩異。故以爲王后妃之比。在河洲。何也。幽鳥不集。廛市。古國有公桑蠶室。近水爲之。卜三宮夫人世婦之吉者。使入蠶室。奉種浴于川。二南皆作于周公。制禮之時。中都旣建。大河當其北。卽公桑之北郊。蠶室也。睢鳩鳴。春

冰泮河水方生。德莫平于水。量莫廣于河。河洲平曠。羣鳥飛集。飲喙其中。所謂不爭之地。不妒之喻也。次言荇菜何也。荇蘋藻之屬。宗廟之禮。有釋菜有豆菹。有和羹。皆川菜。荇水草。明潔可薦。春秋傳云。蘋蘩藇藻之菜。可羞于鬼神。祭則后妃薦豆。故以荇菜比也。謂之比何也。詩言微婉。託物爲比。陳辭爲賦。感動爲興。三義合而成詩。朱子斷以某詩爲賦。某詩爲興。某詩爲比。非也。詩有無比者。未有無賦與興者。興不離比比。興不離賦。古註未達。而朱子以興爲先言他物。興起所詠之事。則與比何別。子云詩可以興。豈謂其

可以先言他物與。舛誤難通。各章舊分賦比興。今盡
削之。學者自以義求耳。○章仲春鷹化爲鳩。其鳴關
關。然于北郊之河洲。河水正泮。春水方生。蠶始可浴。
正昏姻祭祀之期也。窈窕然幽居之淑女。生于下國。
庶姓皆可以相柔。盛助蠶繅。非河洲之雕鳩與。以待
后妃君子。好合速聚而爲左右之善侶也。○章苡菜
清潔。可以薦宗廟。生水之濱。參差不齊。左右乘流可
待取也。賢女育于庶姓。內官乏人。則寤寐不忘求之。
求而未得。則寤寐思念。蠶繅無人。衣服不備。悠悠然
輾轉反側。寢席不忘也。○章苡菜旣得。隨在或左或

右多方采取淑女旣得內事備官禮行樂作鼓琴瑟
以共事矣荇菜旣采或左或右相助烹茗之淑女旣
得率我好述行禮奏樂鐘鼓娛樂之矣○關關雎鳩
鳴其聲如云開倉撒穀聽之關關然也一名鳴鳩月
令季春鳴鳩拂其羽雌雄以羽相拂本草云布穀食
之佩其骨令夫妻相愛故以爲比目怒視曰睢布穀
鷹化目睢然如鷹世說新語云陽春布德鷹化爲鳩
識者猶惡其眼春秋傳云睢鳩氏司馬也鳩鳩氏司
空也爾雅註誤以鳩鳩爲布穀愚按布穀鷹化故以
名司馬取鷹揚摯摯之義鳩鳩卽鸛鵒首有花冠又

名戴勝其鳴結鞠又名鵠鵠不能爲巢而穴居故以
名司空空與孔通取穴居之義楊雄許慎郭璞皆稱
博物遠引誤猜好奇蔽之也又按睢與雛通蒼色鳥
有雛小雅翩翩者雛卽睢鳩是也馬亦有雛魯頌有
騅有駟是也草亦有雛王風中谷有蕓是也皆蒼色
睢鳥鷹化故其色蒼如鷹也河洲河上沙洲平坦之
地窈窕深閨幽潛之意淑善也女指嬪御未嫁姪娣
待年于國者皆中閨之女故曰窈窕君子指后妃猶
言小君內子也好溫惠也逮聚也參差不齊也荇菜
水草可爲菜也左右人衆徧取也卽淑女之爲好逮

者供事非一人。采取非一處也。服祭服。思服。思蠶織。爲王祭服也。輾轉反側。卧不安席也。友同志共事也。棗和羹曰棗。琴瑟鐘鼓皆祭祀行禮之樂。

關雎三章一章四句二章章八句○愚按詩通關雎二南思過半矣。本詠后妃之德而渾然不露。託雎鳩。荇菜爲比。而內官蠶織棗盛籩豆祭祀禮樂無所不備。勤儉之節溫厚之性仁孝誠敬之思。悠然可想。衽席易溺能寤寐思賢反側不安不淫不妒尤爲女德之先風教之本。夫子贊其樂不淫哀不傷以此。朱子謂宮人哀樂於后妃何預。雖然不自后妃始也。王者

有卜夢求賢之思而後后妃有關雎之德王者有卑服康功之志而後后妃有葛覃之本故曰身不行道不能行於妻子觀后妃而王道窺其深矣此夫子定二南之意也

葛之覃兮施

異

于中谷維葉萋萋黃鳥于飛集于灌木

興谷

其鳴喈喈

難

○葛之覃兮施于中谷維葉莫莫是

刈是獲

難

爲絺

亦

爲綌

陳

服之無斃

亦

○言告師氏

言告言歸

難

薄汗我私

薄綌

緩

我衣害

易

綌害否

歸寧

父母

難

古序曰葛覃后妃之本也毛公曰后妃在父母家則

志在於女功之事。躬儉節用。服澣濯之衣。尊敬師傳。則可以歸安父母。化天下以婦道也。○朱子改爲后妃治葛旣成。而自賦其事。非也。按關雎母儀之事。葛覃處女之事。未嫁爲賢女。則旣嫁爲賢婦。故葛覃爲本。大明云。文王嘉止。大邦有子。倪天之妹。女少曰妹。此章所謂倪天之妹也。關雎兼言蠶事。此章專言績事。蠶絲以供禮服。葛麻以供常服。恆居無羅紈。不厭布縷。嫁時無靡麗。不棄澣濯。采葛刈漢。紡紝縫洗。不辭親執。言語服飾。必諮師保。歸事舅姑。無異父母。勤儉之節。恭順之性。仁孝之心。備有。女如此。爲婦可以

安舅姑爲后可以母天下教婦順序說是也朱子因
無贊美之辭遂謂爲后妃自作夫二南皆先王所以
垂訓齊家治國之道非爲贊頌作也有贊謂之美無
贊謂之自作朱子說詩如此○章葛之始生也覃然
而長蔓施于山谷之中其葉萋萋然茂盛黃鳥于飛
集于叢木之上其鳴喈喈然遠聞莫春谿山之景物
也崎嶇林莽之間惕然有艱難之思乎○章葛之繼
長也覃然而長施于谷中維葉莫莫時可采矣于是
刈于是煮而績以爲布精者爲絺麤者爲絺不敢暴
棄也製爲衣服愛惜之不敢厭薄也○章女子德言

功容誨有師保嘉禮既備乃告師氏言將歸矣治我衣裳私服禮服無事新麗或污或澣或不必澣將歸事君子宜其家室以安父母也○葛草名蔓生可緝以爲布覃長也施延也黃鳥鶯也灌木叢木也喈喈和聲遠聞也莫莫葉茂密貌刈斬也漙漙也葛精曰絺纈曰綌數厭也師氏女師也古者女必有師以教婦德婦言婦容婦工也汙煩擗輒平聲之以去其汙也私褻服也褻服多垢故言汙澣濯也衣禮服也禮服垢少故言澣歸嫁也寧安也父母夫之父母相夫子養舅姑婦人之事也男有室女有家父母之願也

葛覃三章章六句○愚按詩與傳記異事不必據語
不必詳而情景躍然風人之致也葛覃僅七十餘字
而賢女勤儉孝敬之性悠然可想朱子以爲文王后
妃自敘計二南成時大姒老且薨矣所稱中谷刈漙
黃鳥灌木聞聲見色一一覈實豈非高叟之爲詩與
采采卷耳卷耳不盈頃傾筐嗟我懷人寘至彼周行叶○
陟彼崔嵬推危我馬虺隤灰隤頽我姑酌彼金罍維以不
永懷叶○陟彼高岡我馬玄黃我姑酌彼兕觥光觥叶維
以不永傷○陟彼砠矣我馬瘠矣我僕痡矣云
何吁矣

古序曰卷耳后妃之志也。毛公曰：又當輔佐君子，求賢審官，知臣下之勤勞，內有進賢之志，而無險詖私謁之心，朝夕思念，至於憂勤也。○愚按：婦人以縫衣裳，霏酒漿爲事，葛覃衣裳也。卷耳，酒漿也。卷耳之草，可爲麴蘖。因酒漿而念及使臣，有進賢之志也。我馬陟彼，皆使臣之事。后妃而酌使臣酒，何也？禮王者獻賓，則后妃亞獻。小雅之四牡皇華，采薇扶杜，遣勞使臣，皆王者所以饗諸臣于外廷也。卷耳則后妃所以相王于中饋也。卷耳之志，是采薇扶杜之治所由出也。志在箴規義取，卷耳以諷其聽也。陳風東門

之粉曰。彼美淑姬。可與晤歌。則莫如卷耳之歌矣。小雅間關曰。辰彼碩女。令德來教。若卷耳者。可謂德教矣。凡爲天子后妃者。志當如是。故曰。后妃之志。朱子改爲后妃思念君子而作。謂婦人思念君子。爲貞靜專一之至。非也。婦人不念其夫而誰念乎。婦人念其夫者。多矣。孰能爲卷耳者乎。升高望夫。馳馬登山。飲酒銷憂。幾乎蕩矣。縱謂託詠亦何以異于鄭衛之聲乎。或者謂婦人勿預外事。然則雞鳴之解佩。十亂之邑姜。胥宇之太姜。非乎。婦稱內助。不此之助而安所取助乎。不越酒食不及爵賞。借中饋以效箴。故謂之

志而已。豈婦無公事。休其蠶織之謂哉。○一采卷耳
以爲翹藥。婦人酒漿之事。易得也。采之又采。竟不盈
傾歛之筐。其艱且勞。尚如此。我念諸臣。經營四方。周
道倭遲。勞苦而功高。外廷之上。得無棄置如遺乎。○
二諸臣在外。升高歷險。馬且疲矣。何以勞之。我姑酌
金壘之酒。以釋其永懷而已。○三諸臣在外。升高歷
險。馬且病矣。何以勞之。我姑酌酒。兕觥慰其永傷而
已。○四諸臣在外。勞且久矣。升高歷險。豈但馬病。僕
亦困矣。婦無公事。將若之何。唯有吁歎而已。○五采采
非一采也。卷耳一名蒼耳。中翹藥之用。頃筐筐形偏

欷也懷憂憫也。人指行役諸臣周行猶言長道寘置
通遺棄也。崔嵬土山戴石也。礧石山戴土也。虺隤山
高不能升也。今蜀道有名蛇倒退者卽此意。壘酒尊
刻畫雲雷之紋象天澤溥施也。玄黃馬病色。兕野牛
觥巨爵。刻爲兕角之象以戒觸罰醉失禮者也。瘡病
也。痛亦病也。

卷耳四章章四句○關雎備厚載之德葛覃脩內政
之本卷耳懷進賢之志后妃所以相君子者至矣詩
人託興微婉懿範徽音千古如在正使大姒自道不
能有加而朱子據篇內我字遂以爲大姒自敘固矣

南有^鳩膠木。葛藟^壘之樂只止。君子福履綏^雖之。
○南有膠木。葛藟荒之樂只君子。福履將之。○南有膠
木。葛藟縈之樂只君子。福履成之。

古序曰。膠木。后妃逮下也。毛公曰。言能逮下而無嫉
妒之心焉。○此詩人詠歌之辭。朱子改爲衆妾稱願
而作。非也。南有膠木。何也。南方陽明。故美多比。南北
方幽暗。故刺多比。北木枝下垂。曰膠。膠木下接。葛藟
上附。象后妃逮下。衆妾親上。二語賦比興三義具矣。
朱子謂先言他物。與起所詠之事。然則膠木二語。先
言他物。而所詠之事。安在他篇。可類推。○^章木莫盛

于南土南方之木有樛然下曲者葛與藟繫累其上
后妃以仁逮下衆妾以禮事上恩誼聯屬何以異此
可樂哉君子和氣交鍾福隨素履而綏安之矣○章二
南方之木曲垂于下葛藟荒蒙其上上下親睦和氣
致祥樂只君子福履將扶矣○章三南木曲垂于下葛
藟繁旋其上尊卑綢繆其旋元吉樂只君子福履成
就矣○南方卑濕厥木惟喬故稱南有葛藟屬累繫
也只語辭君子指后妃福履動而獲吉也荒奄覆也
將扶助也繁旋繞也成完備也

樛木三章章四句○關雎以下三篇曰德曰志曰本

皆言后妃之賢此篇言其福履下篇遂及其所生漸被國人致興王之瑞達化之序也

螽斯

終羽詵詵

辛

今宜爾子孫振振

其

今

○螽斯羽薨

薨

今宜爾子孫繩繩今○螽斯羽揖揖

緝

今宜爾子

孫蟄蟄今

古序曰螽斯后妃子孫衆多也毛公曰言若螽斯不妒忌則子孫衆多也○此亦詩人詠歌之辭朱子以爲卽衆妾自作非也其以螽斯比何也螽斯蝗屬生子最多凡血氣之類羣處則蕃息不和則不能羣善羣莫如螽斯故族多亦莫如螽斯后妃慈和以厚衆

妾而多子故以螽斯比然辭旨隱約于螽斯詠其羣
不言和而其和可知于后妃詠其子孫多不言羣而
其羣可知不直稱君子而借螽斯感歎微婉深厚悠
然可想朱子謂爲比是也然以螽斯比卽是以螽斯
興借物爲比感物爲興義雖有二其致則一○章一凡
物羣則妒惟螽斯之爲羽詵詵善羣故種類蕃息物
理如此人亦宜然爾后妃子孫振振衆盛和氣所鍾
諒非偶矣○章二螽斯之羽其飛也薨薨然羣飛后妃
子孫繩繩不絕固所宜爾○章三螽斯之羽其集也揖
揖然和輯后妃子孫蟄蟄類聚固所宜爾○螽斯一

名虺

作蝥猛

一名蚣

松螭螭

生子最多信宿羣飛因

羽而見其多故曰羽詵詵衆也爾指后妃振振盛貌

薨薨羣飛聲繩繩不絕也揖作緝和集也蟄蟄聚貌

○螽斯三章章四句○誦螽斯而后妃之德徵于所

生矣樛木逮下進御者衆故生子多編詩者以義相

承也

桃之夭夭灼灼其華

花

之子于歸宜其室家○桃之夭

夭有蕢

其

實之子于歸宜其家室○桃之夭夭其葉

蓁蓁之子于歸宜其家人

古序曰桃夭后妃之所致也毛公曰不如忌則男女

以正婚姻以時國無鰥民也○后妃不妒忌之德刑
于下國凡男女之有室家者皆有樛木螽斯之風故
曰后妃所致桃多子其花有色家園常植故以比婦
女先王令民仲春大會男女是月也桃始華卽時物
爲比也○章桃之始華婚姻之時夭夭之桃方少灼
灼之華甚美之子年少美好其歸以時其會以禮賢
可知也豈有賢女而不宜室家者與○章桃之夭夭
有華必有寶之子年少有德宜其家室可知也○章
桃之夭夭寶繁則葉茂之子德儀兼隆宜其家人可
知也○古者自秋至春冰未泮以前皆可婚姻而仲

春尤大會。凡男子二十至三十。女子十五至二十。婚者。皆謂以正以時。天天少好貌。灼灼鮮明貌。之子。指女子。婦人內夫家。故嫁曰歸。于往也。男以女爲室。女以男爲家。菁實繁貌。

桃夭三章章四句。○誦桃夭而后妃之化徵于國矣。雖庶民之家。未有閨範不淑而能齊其家者。

肅肅兔置。嗟掾捉之丁丁。爭赳赳武夫。公侯干城。○肅肅兔置。施于中逵。葵赳赳武夫。公侯好仇。○肅肅兔置。施于中林。赳赳武夫。公侯腹心。

古序曰。兔置。后妃之化也。毛公曰。關雎之化行。則莫

不好德賢人衆多也○按邦國多士文王之作人也
然有后妃之助則王教基始故當其寤寐淑女友樂
不忘賢賢易色之風始于閨門而達諸朝廷邦國士
類興起以至深山窮谷芻蕘雉兔之輩皆懷才抱德
足以待明主寤寐之求所謂存神過化遷善不知王
民之皞皞也而自宮幃始故曰刑于寡妻以御于家
邦帷薄不脩而能化家邦者未之有故曰后妃之化
○章肅肅然整飭之兔置椽杙弋以張之其聲丁丁
然此張置者赳赳然草野之武夫耳然其材智勇畧
可以折衝禦侮殆公侯之干城與○章肅肅然設此

兔置當彼九達之道此赳赳之武夫其行誼道德足以配公侯爲之好仇也○三章肅肅然設此兔置在彼中林此赳赳之武夫其運籌畫策克當公侯是以爲之腹心也○兔置捕兔之網肅肅網整飭貌楸楸杙也楸杙所以張網丁丁楸杙聲赳赳武貌武夫猶言野人干盾也所以禦石矢城所以衛內也達九達之道中達達中也好仇善匹也

兔置三章章四句○誦此詩者想見當世山林草莽之士皆有肅恭之德而無播棄之憂下能脩之上能知之四友十亂奕世用之不盡者皆闢睢之達化也

後王艷妻煽處羣小蔽賢周宗以滅聖人刪詩首二南有以夫

采采芣苢

浮

言

以

薄言采

取叶

之采采

以叶

芣苢

以叶

薄言有

以叶

之○

采采芣苢

薄言

掇

奔

之采采

薄言

捋

勒

之○

采采

芣苢

薄言

結

結

之采采

薄言

袞

袞

挾之

古序曰芣苢后妃之美也毛公曰和平則婦人樂有

子矣○

愚按

免詠功

故曰

化芣苢

詠俗

故曰

美女

衆曰美國語云女三爲粦粦者美之物美者吉善之

名后妃不妒忌而宜子孫婦人以和平而繼螽斯室

家驩慶庶女胥悅故曰美也以芣苢比何也芣苢之

寶宜妊婦人所需也。閭閻安樂男服事乎。罽羅女服事乎。蓄聚室家無此。儻之憂而皆以生子爲願。詩人託詠芣苢。見王民皞皞。而古序惟以一美字括之。極精約。非毛說未易會也。事不必求徵。而太平景象悠然。詩可以興其斯之類。朱註必以爲采芣苢婦人自作。則拘泥淺率甚矣。○一芣苢婦人所需也。室家無事。庶女偕行。采此芣苢。非一人也。求而未得。薄言采之。采采旣得。隨地行處。薄言有之。○二采采旣有所取。在穗拾其穗而薄言掇之。采采旣掇。所用在實。取其實而薄言將之。○三采采旣將。盛之以衽。薄言結

之采采愈多拔抑其衽于帶間薄言禠之○采采芣
一采也芣苢車前草好生道上牛跡中故名本草云
子宜妊治產難薄言聊且隨意之辭結執衽衽也裳
下曰衽禠謂拔其衽于腰帶間也

芣苢三章章四句○此詩本詠土者化國之日不言
朝野士庶而言婦人不及織經女工而託詠采芣苢
終篇變換纔六字一唱三歎恍然如見庶女于原野
之間而聞其謳歌之聲者詩所以善于言也

南有喬木不可休息漢有游女不可求思漢之廣讀華與永
矣不可泳叶思江之永叶矣不可方叶思○翹翹喬

錯薪言刈其楚之子于歸言秣未其馬母叶漢之廣矣不可泳思江之永矣不可方思○翹翹錯薪言刈其萋閭之子于歸言秣其駒漢之廣矣不可泳思江之永矣不可方思

古序曰漢廣德廣所及也毛公曰文王之道被于南國美化行乎江漢之域無思犯禮求而不可得也○按諸詩自關雎以下古序皆因首句爲目此篇宜目爲南有喬木如摘詩中語宜目爲江漢而云漢廣者取廣字之義以表德也六經文字惟詩可斷取如曹風匪風大雅嘉樂序皆然故毛公卽廣字義釋之始

自宮壺而遠及江漢可不謂廣與朱子詆其謬過也
此序獨不言后妃者廣及江漢非內官之職統諸王
者焉○章茂木可休南方有木上竦無枝不可休也
游女可犯漢上有女貞潔自守不可求也如水小可
泳漢之廣其可泳乎水近可方江之長其可方乎○
艸薪之錯雜而生也擇翹然高出之楚刈之此之子
女中翹楚行將以禮歸人而自以粟秣其馬矣豈刈
楚之可飼邪如彼江漢斷乎不可犯已○章薪錯雜
而生擇彼萋蒿之最長者刈之此之子女中之萋也
將以禮適人自秣其駒矣豈食吾之萋乎如漢如江

不可踰越已○木上竦無枝曰喬漢水出今陝西漢中府寧羌州嶓冢山東南流入于江沔潛行水底也江水出今四川成都府茂州岷山東流與漢水合入于海方讀作放薄牌筏伐也木曰薄竹曰筏又大者筏小者桴翹特出貌錯薪雜薪也楚荆條秣穀飼馬也萋白蒿也高者丈餘馬五尺以上爲駒

漢廣三章章八句○愚按江漢楚地其先鬻熊事文王受封先諸姬是爲聖教首善地漢廣汝墳正當其時國風不列楚二南可以觀矣夫子師文王刪詩錄漢廣有心哉齊魯不競徘徊陳蔡之間者數年意在

楚耳昭王之不祿天也儒者論春秋夷楚何居

遵彼汝墳伐其條枚未見君子惄如調飢○遵彼汝

墳伐其條肄吳既見君子不我遐棄○魴魚頰稱尾王

室如燬雖則如燬父母孔邇

古序曰汝墳道化行也毛公曰文王之化行乎汝墳之國婦人能閔其君子猶勉之以正也○朱傳謂文王三分天下有二率商之叛國事紂故汝墳之人猶以文王之命供紂之役其家人見其勤苦作此詩勞之註疏亦謂行役大夫之婦人作或然而亦不必然也詩多託興非必皆其人自作或曰若是何以爲風

曰。因是事。爲是詩。以鼓舞是人。故謂之風。近世學士傳貞女節婦。亦曰。以俟採風。豈盡貞女節婦自作邪。世儒言風動。稱里巷之歌。拘也。此篇首二章。勞苦飢困。不忘君子。見其勤而貞。後一章。閔其君子勞苦。勸以義。見其正而烈。行役者有此婦人。卽其閑家可知。故曰。文王之化也。○章。汝水之墳。有木生焉。可以爲薪。君子久役于外。而使婦人躬採樵。力不任重。伐其小條與枝而已。當是時。君子未歸。怒焉憂戚。如調理飢病。形神困敝。強餐而未能也。○章。遵彼汝墳。今年所伐之條。又是往年舊伐之肄。歲旣改矣。君子始歸。

生得相見喜其不我遠棄也○章三魴魚本白勞于網
罟尾變而赤矣虐政如火努力自効誰無父母食土
之毛能遠去乎○汝水名出河南汝寧府上蔡縣流
入淮墳隄坊也墓封亦謂之墳檀弓曰見若坊者言
墳起如隄坊也條枚皆小枝周禮有銜枚氏註云枚
狀如箸言小也肄餘也斬而復生曰肄慙慙通憂思
貌調養也飢病不能食也魴鰯也鰯赤色魚勞則尾
赤燬火也父母從役者之父母孔邇言桑梓丘隴在
無所逃也小雅云莫肯念亂誰無父母孝婦之言也
○汝墳三章章四句

麟之趾振振真公子于吁嗟麟兮○麟之定丁振振公
姓生于嗟麟兮○麟之角六叶振振公族于嗟麟兮

古序曰麟之趾關雎之應也毛公曰關雎之化行則
天下無犯非禮雖衰世之公子皆信厚如麟趾之時
也○按周南以關雎始以麟趾終召南以鵲巢始以
騶虞終編詩者取德脩瑞應之義著王道之成也道
化至此太平有象與古四靈畢至之世無異故曰如
麟趾之時無犯非禮何也禮風教之本無禮則近于
禽獸麒麟之異于走獸者以其行中規矩音中鍾呂
遊必擇地許而後處不履生蟲不踐生草不羣居不

侶行不入陷穽。故曰聖瑞服虔曰視明禮脩則麒麟
至故麟者禮之應商紂之末俗奢壞禮闕雖化行若
桃夭之子免置野人芣苢漢廣汝墳之士女皆知守
禮其貴家世族子姓少而愿謹步武頭角振振有端
厚之風故詩人託麟趾表聖瑞見文王脩齊之化成
而周道大興也朱註以公子爲文王后妃之子孫以
麟比文王后妃趾比公子於義牽強周南十一篇皆
以次自近及遠江漢汝墳之後及家庭編次亦垂矣
序說不可改也○章聖王作麒麟至麟之趾步趨中
度不妄踐履貴族公子不驕不奢忠信仁厚振振如

也國家將興必有禎祥吁嗟公子其卽麟乎○二麟

之額端正不觝公孫守禮振振愿慤其真麟乎○三

麟之角周正不觸公族守禮振振醇厚其真麟乎○

麟瑞獸君身牛尾馬蹄色黃一角牡曰麒牝曰麟

凡獸有蹄者蹠有額者觝有角者觸惟麟不然定額

也公姓猶公孫子生曰姓公族共太祖也

麟之趾三章章三句○世祿之家鮮克由禮其子弟

飛揚跋扈蛇冠而虎翼由來漸矣此詠公子之賢歸

于振振命之曰麟稱其趾其完其角巋然端莊令儀

令色瞻之在前辭約而旨遠妙于形容矣 卷一終